

欽定四庫全書

子部

普濟方卷一百三十九



南京中医药大学图书馆版权所有

聖濟方卷一百五十九

周王朱橚撰

傷寒論

傷寒論

不行畜積而不散
薄厥留於下而瘀者
在裏血為熱所搏結而
病七八日表症仍在

脉微而沈反不結胃其人如狂者以熱在下焦小腹當鞭滿小便自利者下血乃愈抵當湯主之者是也大抵看傷寒必先觀兩目次看口舌然後自心下至小腹以手撮按之覺有滿鞭者則當審而治之如小腹覺有鞭滿便當問其小便若小便不利者則是津液留結可利小便若小便自利者則是畜血之症可下瘀血經曰傷寒有熱小腹滿應小便不利今反利者為有血也太陽病身黃脉沈結小腹鞭小便不利者為無血也小便自

利其人如狂者血症諦也皆須抵當湯丸下之陽明病
其人喜忘屎雖硬大便反易其色必黑亦是畜血之症
畜血於下所以如狂者經謂熱結膀胱其人如狂者是
也血瘀於下所以喜忘者內經曰血并於下亂而喜忘
者是也二者若有其一則為畜血症明矣畜血之症又
有輕重焉如狂者喜忘也皆畜血之甚者須抵當湯丸
以下之如外已解但小腹急結者則為畜血之輕也須
桃仁承氣湯以利之醫妙者何也在乎識形症明脉息

曉虛實知傳變其於形症之明者衆人所共識又何以見其妙必也形症之參差衆人所未識獨先識之乃所以為妙且如病人無表裏症發熱七八日雖脉浮數者可下之假令已下脉數不解合熱則消穀善饑至六七日不大便者此有瘀血抵當湯主之當不大便六七日之際又無喜忘如狂之症亦無小腹鞭滿之候當是之時與承氣湯下者多矣獨能處以抵當湯下之者是為醫之妙者也若是者何以知其有畜血也其脉浮而數

者浮則傷氣數則傷血熱客於氣則脉浮熱客於血則脉數因下之後浮數俱去則已若下之後數去其脉但浮者則榮血間熱去而衛氣間熱在矣為邪氣獨留心則飢邪熱不殺穀潮熱發渴也及下之後浮脉去而數不解者則衛氣間熱去而榮血間熱在矣熱則氣合覆血乃下行胃虛協熱消穀善飢血至下焦若下不止則血得以去泄必便膿血也若不大便六七日則血不得出泄必畜在下焦為瘀血是須抵當湯下之又傷寒

留畜惡血內外俱熱昏憤譫語亦有耳聾虛鳴之症與少陽經受病相似如服小柴胡湯不效當以黃連一分赤茯苓半分剉細入燈心煎與之男女通用凡大小產熱入血室小柴胡湯力所不及者於內加五靈脂仍以黃連赤茯苓湯佐之蓋心主血黃連茯苓皆清心涼血之劑所以收功若夫疎利血毒則活人書桃仁承氣湯有餘勇矣

方

大黃芍藥湯 出聖濟總錄 治傷寒太陽病隨經入裏瘀熱內

積畜血喜忘如狂

大黃 劉炒五錢 芍藥 牡丹皮 犀角 鎔生用各一兩 生乾地

黃 兩半

右劉如麻豆大每服五錢用水二盞煎至一盞去滓

溫服

大黃湯 出聖濟總錄 治傷寒內有瘀血大便不利小便急痛

大黃 劉炒一兩 桃仁 湯浸去皮尖雙仁麩炒黃研半兩 水蛭 米炒黃一分 木

通

半兩

右除桃仁外麝搗篩入桃仁同研令勻每服二錢以水一盞煎至七分去滓溫服不計時候

犀角地黄湯 治傷寒及瘟疫病應發汗而不汗內畜為

瘀血及鼻衄血也吐血不盡餘血停留致面黃大便

黑

犀角

一兩

生地黄

八兩

芍藥

三兩

牡丹皮

二兩

右咬咀水九升煮三升分三服有熱如狂者加黃芩

大黃腹不滿為無熱不可加升麻與犀角性味主治不同何以升麻代之以是知引入陽明也兼治瘡疹大成

芍藥地黃湯 治傷寒發熱疹出血并有積喜忘如狂鼻衄面黃大便黑者

芍藥 生地黄 黃芩 牡丹皮

各五錢

右以水六升煮取三升去滓溫服一升日三時行本有畜血者腹脇滿如搥

傷寒舌腫脹

論

夫傷寒舌腫脹者病在三陰也太陰之脉連舌本散舌下少陰之脉循喉嚨夾舌本厥陰之脉循喉嚨之後又手少陰心之經其氣通於舌凡此經絡為風熱所乘隨脉至舌熱氣留於血血氣壅故令舌腫脹診其脉數急

者是其候也

傷寒舌腫者是熱毒傷於心脾也心係於舌主於血血虛為熱所乘又脾之大絡出

於舌下若心脾有

熱則令舌腫也

方

大黃散

出聖惠方

治傷寒心脾熱舌腫

川大黃

剉碎微炒

黃連

去鬚各一兩

黃芩

川升麻

黃蘗

各三

錢

甘草

半兩生用

右為麤散每服四錢水一中盞入黑豆三十粒煎至

五分去滓不計時候溫服

玄參散

出聖惠方

治傷寒上焦虛毒氣熱壅塞咽喉連舌腫

痛

玄參

射干

黃蘗

各一兩

右為麤散每服五錢水二大盞煎至五分去滓不計

時候溫服

治傷寒咽喉閉塞舌根腫痛方

出聖惠方

蒼耳根

兩半剉

甘草

三錢生剉

右為麤散每服五錢水一大盞煎至五分去滓不計

時候溫服

治傷寒心脾虛熱舌腫方

出聖惠方

黃蘗

一兩

甘草

三錢生剉

右為麤散每服二錢水一中盞煎至五分去滓不計

時候溫服

治傷寒心脾熱口瘡舌腫咽喉疼痛宜服此方

出聖惠方

羚羊角屑

黃蘗

塗蜜炙微赤剉

甘草

生剉

川大黃

各半兩剉碎微

炒

玄參

三錢

右為細末每服不計時候煎竹葉熟水調下一錢

鈆霜散 治傷寒心脾壅熱舌腫多吐痰逆

鈆霜

細研

牛黃

各一分細研

麥門冬

一兩去心焙

白菊花

甘

草

各半兩炙
微赤剉

黃連

三分
去積

右為細末入牛黃鈿霜同研令勻不計時候以淡竹

瀝二合調下二錢如無竹瀝犀角溫水調下亦得

龍膽散

治傷寒心脾熱多乾舌腫口内生瘡

龍膽

去蘆
頭

麥門冬

去心
焙

知母

人參

去蘆
頭

柴胡

去
苗

各半
兩

甘草

一分
生剉

右為細末不計時候磨犀角溫水調下二錢

升麻散

治傷寒喉中痛舌根腫滿不能轉動此謂心

脾熱毒宜先用針當舌中針入五分出血即消後服此藥

川升麻 車前子 川大黃 剉碎 微炒 甘草 生用 各半兩 生

乾地黃 三兩 川朴硝 三分

右為麤散每服五錢以水一大盞煎至五分去滓不計時候溫服

升麻湯 治傷寒熱病咽喉壅塞連舌根痛及乾嘔頭痛不下食

升麻 麥門冬

去心 焙

石膏

碎各一兩

木通

剉

黃蘗

去粗皮剉

青竹茹

各半兩

玄參

前胡

去蘆頭各三分

朴硝

二兩

右麤搗篩每服五錢用水一盞煎至八分去滓食後

溫服日再

乾地黃湯 治傷寒心脾虛熱喉中有瘡連舌根腫涕

唾不下食

生乾地黃

焙二兩

青竹茹

鷄蘇

赤茯苓

去黑皮各一兩

麥門冬

去心焙各一兩半

玄參

五分